



ДОМ НАРОДА

DOM NARODA

ПРЕДСТАВНИЧКИ ДОМ

PREDSTAVNIČKI DOM
ZASTUPNIČKI DOM

Комисија за избор и праћење рада
Агенције за превенцију корупције и
координацију борбе против корупције

Komisija za izbor i praćenje rada
Agencije za prevenciju korupcije i
koordinaciju borbe protiv korupcije

Povjerenstvo za izbor i praćenje rada
Agencije za prevenciju korupcije i
koordinaciju borbe protiv korupcije

Број: 05/8-50-14-175-14/14

Сарајево, 11. 4. 2014.

Z A P I S N I K

14. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 5. 2. 2014., od 10,00 do 11,00 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije sazvala je predsjedavajuća Komisije Dušanka Majkić.

Sjednici su prisustvovali sljedeći članovi Komisije: Dušanka Majkić, Borjana Krišto, Mirsad Abazović, Beriz Belkić, Staša Košarac, Niko Lozančić i Milorad Vulić.

Odsustvo sa sjednice opravdali su Sulejman Tihic i Milenko Obad.

Sjednici su prisustvovali i gosti - predstavnici međunarodnih organizacija u BiH, predstavnici medija, te službenik Sekretarijata Parlamentarne skupštine BiH:

- Sead Lisak, direktor, te Dragan Slipac i Sreto Pekić, zamjenici direktora Agencije za prevenciju korupcije i koordinaciju borbe protiv korupcije,
- Damir Hadžić, Razvojni program UN-a u BiH - UNDP,
- Sanja Fitzgerald i Jasna Dragičević, Misija OSCE-a u BiH,
- Hana Imamović - Babić, „FENA“,
- Tanja Ikić, „Face TV“,
- Semira Degirmendžić, „Dnevni avaz“,
- Gordana Đurović, „FTV“,
- Snežana Samardžija, „SRNA“,
- Aziza Hrustemović, „BHT 1“ i
- Jovica Katić, sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije.

Predsjedavajuća je na početku upoznala članove Komisije s predloženim dnevnim redom.

Kako o prijedlogu dnevnog reda nije vođena rasprava, predsjedavajuća je dala na glasanje dnevni red.

Članovi Komisije jednoglasno su, sa 7 glasova „za“, usvojili predloženi dnevni red, čime je konstatirano da 14. sjednica Komisije za izbor i praćenje rada Agencije za prevenciju korupcije i koordinaciju borbe protiv korupcije ima sljedeći

DNEVNI RED

- 1. Usvajanje Zapisnika 13. sjednice Komisije,**
- 2. Razmatranje Izvještaja o radu Agencije za prevenciju korupcije i koordinaciju borbe protiv korupcije za period 1. 1. – 30. 9. 2013. (sačinilac: Agencija za prevenciju korupcije i koordinaciju borbe protiv korupcije),**
- 3. Razmatranje Informacije sa sastanka predsjedavajuće Komisije za izbor i praćenje rada Agencije za prevenciju korupcije i koordinaciju borbe protiv korupcije s direktoricom Fondacije „Konrad Adenauer“ u BiH, 10. 10. 2013.,**
- 4. Razmatranje Informacije o posjeti članova Komisije za izbor i praćenje rada Agencije za prevenciju korupcije i koordinaciju borbe protiv korupcije Republici Sloveniji, 11. – 13. 11. 2013.,**
- 5. Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2013. godinu,**
- 6. Tekuća pitanja.**

Ad.1. Usvajanje Zapisnika 13. sjednice Komisije

Članovi Komisije su bez rasprave, jednoglasno, sa 7 glasova „za“, usvojili Zapisnik 13. sjednice.

Ad.2. Razmatranje Izvještaja o radu Agencije za prevenciju korupcije i koordinaciju borbe protiv korupcije za period 1. 1. – 30. 9. 2013. (sačinilac: Agencija za prevenciju korupcije i koordinaciju borbe protiv korupcije)

Dušanka Majkić otvorila je raspravu o predloženom izvještaju i dala riječ članovima Komisije.

U raspravi o predmetnom izvještaju u ime Komisije učestvovali su: Beriz Belkić, Dušanka Majkić, Niko Lozančić, Borjana Krišto, Staša Košarac i Milorad Vulić.

Tokom rasprave članovi Komisije konstatirali su da je tokom izvještajnog perioda Agencija svoj rad bazirala na prevenciji, a da je izostala aktivnost koordinacije borbe protiv korupcije. Evidentan je napredak u načinu izrade izvještaja, kao i u radu Agencije uopće, te u vezi s tim Komisija smatra da je sazrelo vrijeme za konkretne aktivnosti i rezultate u radu Agencije,

koje će prepoznati i javnost u BiH. Nadalje, konstatirano je da Komisija nije upoznata s aktivnostima Agencije po projektima IPA 2010. „Jačanje institucionalnih kapaciteta i tijela za borbu protiv korupcije“, odnosno „Jačanje institucionalnih kapaciteta i uključenje mreže nevladinih organizacija u borbi protiv korupcije“, te uspostavom sistema koordinacije relevantnih tijela za borbu protiv korupcije na svim nivoima u BiH. U vezi s navedenim, Komisija je zatražila od Agencije da joj u narednom periodu češće dostavlja informacije o ovim i sličnim realiziranim aktivnostima, kao i da blagovremeno informira članove Komisije o predstojećim obukama (seminarima i konferencijama) u kojima i oni mogu učestvovati, s ciljem zajedničkog stručnog usavršavanja predstavnika Agencije i Komisije. Također, članovi Komisije zaključili su da komunikacija između Komisije i Agencije u narednom periodu mora biti intenzivnija i bazirati se na rješavanju pojedinih tematskih pitanja. Osim navedenog, Komisija je sugerirala Agenciji da u budućim izvještajima iznese svoje procjene koje će konstatirati u kojim sferama je korupcija najrasprostranjenija, te da s rezultatima ovih istraživanja i potencijalnim rješenjima za savladavanje tih pojava upoznaju Komisiju, kao nadležno tijelo Parlamentarne skupštine BiH. Posebno je apostrofirana uloga Agencije, kao jedne od najrelevantnijih institucija, kod davanja mišljenja o Prijedlogu zakona o javnim nabavkama u BiH, s ciljem ukazivanja na određena rješenja u Zakonu koja bi trebalo da budu podložna izmjeni. Na kraju, istaknuto je kako javnost u BiH nije jasno prepoznala dosadašnje rezultate rada Agencije, te naglašeno da bi aktivnosti Agencije u narednom periodu trebalo da budu jasnije prezentirane.

Sead Lisak, direktor Agencije za prevenciju korupcije i koordinaciju borbe protiv korupcije, u odgovoru na konstatacije izrečene tokom diskusije, naveo je da je aktivnosti koje su provedene u prethodnom periodu, a na koje su se referirali članovi Komisije, u najvećoj mjeri organizirao Ured Evropske komisije u BiH (EUSR), te istakao da je izostala komunikacija između Agencije i Komisije po pitanju informiranja o njihovoj realizaciji. Lisak je rekao da su primjedbe Komisije s ovim u vezi opravdane, te da će saradnja Komisije i Agencije u narednom periodu biti intenzivirana. Još je naveo da će Agencija u narednom periodu prioritet dati analizi specifičnih mjera iz Akcionog plana za provođenje postojeće Strategije za borbu protiv korupcije, na osnovu čijih će rezultata biti napravljen novi strateški dokument.

Nakon sveobuhvatne rasprave, Komisija je jednoglasno, sa 7 glasova „za“, primila k znanju Izvještaj o radu Agencije za prevenciju korupcije i koordinaciju borbe protiv korupcije za period 1. 1. – 30. 9. 2013.

Ad.3. Razmatranje Informacije sa sastanka predsjedavajuće Komisije za izbor i praćenje rada Agencije za prevenciju korupcije i koordinaciju borbe protiv korupcije s direktoricom Fondacije „Konrad Adenauer“ u BiH, 10. 10. 2013.

U okviru ove tačke nije vođena rasprava.

Komisija je jednoglasno, sa 7 glasova „za“, primila k znanju Informaciju sa sastanka predsjedavajuće Komisije za izbor i praćenje rada Agencije za prevenciju korupcije i

koordinaciju borbe protiv korupcije s direktoricom Fondacije „Konrad Adenauer“ u BiH, održanog 10. 10. 2013.

Ad.4. Razmatranje Informacije o posjeti članova Komisije za izbor i praćenje rada Agencije za prevenciju korupcije i koordinaciju borbe protiv korupcije Republici Sloveniji, 11. – 13. 11. 2013.

Komisija je, bez rasprave, jednoglasno, sa 7 glasova „za“, primila k znanju Informaciju o posjeti članova Komisije za izbor i praćenje rada Agencije za prevenciju korupcije i koordinaciju borbe protiv korupcije Republici Sloveniji, koja je realizirana u periodu od 11. do 13. 11. 2013.

Ad.5. Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2013. godinu

Dušanka Majkić, predsjedavajuća Komisije, podsjetila je da Komisija prvi put pred sobom ima izvještaj o svom radu za proteklu godinu, kao rezultat izmjene Zakona o Agenciji za prevenciju korupcije i koordinaciju borbe protiv korupcije, koji je upravo Komisija inicirala u prethodnom periodu. Navela je da predmetni izvještaj, koji je izrađen u skladu s Metodologijom koju je usvojila Parlamentarna skupština BiH, Komisija šalje u daljnju proceduru domovima PSBiH.

Kako o Izvještaju nije vođena daljnja rasprava, Komisija se odmah izjasnila o njemu.

Jednoglasno, sa 7 glasova „za“, Komisija je usvojila i domovima PSBiH prosljedila u daljnju parlamentarnu proceduru Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2013. godinu

Ad.6. Tekuća pitanja

O tekućim pitanjima Komisija nije vodila raspravu.

Sjednica je završena u 11 sati.

Sekretar Komisije
Jovica Katić

Predsjedavajuća Komisije
Dušanka Majkić

Dostavljeno:

- naslovu
- a/a